

尚

綱

堂

集

尚絅堂詩集卷四十七

陽湖 劉嗣綰 醇甫

雲心集下 甲戌

人日小集寓齋

雪意不知處春空雲一層草堂人日酒花市上元燈小約  
新寒續閑譚影事增吟肩先自笑瘦骨太峻嶒

三硯詩胡安之齋中作

文信國遺像硯

硯背鐫公小像兩側有公自題字曰京湖制置使汪立信贈明楊文忠公

延和刻公衣帶中銘語於後

人閒正氣歌堂堂玉帶生出爭昂藏風波倏幻百千劫墨  
海化作零丁洋鐵腸石肝琢爲硯肖公之心像公面山河

破碎茲獨完火燼昆明經百煉公昔廷對先書名硯也磊  
落騰英聲嗣公草檄勤王去硯也飄零若流寓西臺石碎  
紛裴裒化為朱鳥魂歸來公騎箕尾上天表寒空隕石聲  
如雷硯之四角公親寫制置汪公手貽者影公縮本見公  
來瞥有須髯尚瀟灑後公百載文忠書叅公直是天人儒  
孔曰成仁孟取義衣帶中語光芒舒硯兮淪落殊辛苦海  
外厓山只坏土西湖猶有一角天持硯問天天倘補

秦少游賜硯

銘云元祐八年八月十二日臣觀始供  
史職是日詔遣闕使賜李廷珪張近潘

谷郭玉墨淵石硯關龍麥光紙照龍柴黃越管筆  
後二日乃賜器幣近歲史臣惟開院有墨硯紙筆  
之賜續除者但賜器幣而  
已續除備賜自臣觀始云

秦郵亭角天如墨山抹微雲成一色淮海當時賸硯田墨

痕灑作千林黑文游一往荒臺高風流舊說蘇與晁明珠  
落手向空映箴社湖水搖輕毫翰林學士承明賜直廬未  
見龍圖字史職纔參玉筍班院臣待草金蓮制硯池溜石  
貯銅盤頒並頭綱八餅看麥光紙色越管筆特先器幣標  
臣觀黨人姓氏書元祐端禮殘碑積塵垢內旨初宣酒部  
前遺風竟落藤州後斷墨磨人八百年此時石友尙心堅  
何人更續東坡譜龍尾新詩鵲眼篇

沈小霞梅花硯

沈鍊號青霞劾嚴嵩以謫死鍊子襄字小霞以蔭沔至郡守硯背鐫梅花

一樹款曰萬歷丁丑十月之望爲五槐內史寫於梅雪齋

王元章後誰梅花年年煮石山農家石工琢硯畫工畫小  
霞先世承青霞青霞一疏相嵩怒卽日謫戍逾龍沙矯詔

論死得死所襄也幾受清流嗟水山倒後表奇骨時擢郡  
守依靈槎官齋無事弄文翰文田一角棲生涯心腸鐵石  
寫生出放筆直幹來橫斜飄飄數點忽飛去化爲蝴蝶尋  
南華揣摩石理得畫理枯腸不獨生槎牙五槐內史竟誰  
氏篆影彷彿依煎茶寒牕剛值玉梅映黃昏水月紛周遮  
石兮可餐香可嚼開函一笑聊塗鴉

冰牀

風繩界斷水中央小坐渾如上下牀去住雪邊鴻爪幻往  
來冰上鷺絲涼平支四面看山穩便抵三簡喚渡忙爛醉  
糟邱眠亦得酒人原有鹿盧腸

煖炕

睡鄉打疊展氤氲小試圍爐一氣薰和抱便容春熨貼熱  
腸渾與夢平分天開温室非關樹地近陽臺豈爲雲土銼  
莫嫌無點綴油牕花戶漾波紋

### 唐花

雪窖花光面面開最冬烘處是春來初無綠意餘前度別  
有丹心轉幾回玉斧貯教脩月戶金鈴移上避風臺唐宮  
羯鼓渾閒事莫放花奴爛漫催

### 臘菜

菜畦風緊一繩長醯醢天容謹蓋藏春韭略分盤冷淡冬  
蟇都入齒宮商饑來瘦削民閒色釀出酸寒我輩腸自詡  
冰壺好家世

冰壺先生謂齋也見清異錄

年年臘味與評量

韻樓招飲卽題其長松獨倚圖

君不見元興落落如長松一鱗一甲其猶龍  
廖君移植萬里外縮地別具叅天胸  
君乎愛松與松肖黛色千尋激清  
嘯骨青髓綠誰復知自表蒼髯寫吾照  
白雲司裏開堂皇齒吻排擊生冰霜  
胸中盤鬱足元氣筆所落處迴春陽  
倚松直欲撐空際特立森然中不倚  
輕濤起伏自和平不管秋風太凌厲  
茯苓之酒琥珀霜肘後自試青囊方  
洪厓偓佺不知處赤松子住仙人鄉  
朝來雪色寒如此中有松心長不死  
倚松入畫但哦松笑揖庭前崔處士

元宵四詠

火判官

小倩司炬力搏沙奪化工吹噓偏附熱空洞本虛中欲倚  
燎原勢爭誇煬竈功眼看塵土劫九陌易銷融

雪獅子

爾本白超匹軒然殊不羣影形金鼎篆牙爪玉山雪搏兔  
憑風力燃犀借水紋怒猊安足恃抉石笑平分

太平鼓

小隊太平字春喧兒女行移宮分魯薛促節演隋唐一意  
環圓轉雙聲柱擊昂簫韶飛入夢絲管接天閭

走馬燈

人月章臺滿燈前走馬催四蹄風驟處一氣火攻來步障  
高低霧冰弦大小雷此時深巷裏幾輩墜鞭回



送鄒曉坪師歸里卽題潞河返櫂圖卷

逝水一海寬歸雲一山隔挂帆向天涯浩蕩去京國我昔  
初識公公時憂去職惓惓三十年東山起安石因之厯樞  
要盡瘁敢云恤豈無戀闕衷所矢是清白空囊與敝簏行  
色郭門側公論在路旁挈音我心惻

買鄰往結宅履道信坦夷先憂固所重獨樂良亦宜古歡  
父兄篤舊澤子弟貽故家喬木多天末如有期懷哉經世  
心豈忍與世遺性命本委順肯使山靈疑魚亦尋逝波鳥  
亦戀舊棲悠然二泉水可以詠樂饑

空山悟點易止水聞讀書道學開東林榛莽亦已除古哲  
日以往樵蘇贖卹墟澄流源弗清所得波靡餘公歸身可

師聞望憑德輿但使天爲徙安問今與居送者反自厓披  
圖爲歎歎少我執策從日傍衡門趨

蔡浣霞於壬戌春屬題煙雨倚樓圖未幾失去歲甲  
戌有友人自通州市肆購得歸之余爲賦此

楚弓識楚得塞馬悟塞亡天道常好還往往縑素償茲圖  
本寓耳中有鴛湖莊烟雨歸一樓變幻何不常方圖落成  
日春水此一方橐筆事蒨遊攜上吳淞航吾儕二三子珠  
玉紛投將時君正年少主客圖中商謂當泥雪留乃作灰  
劫颺忽去今忽來墨海騰蒼茫同時燕臺客驚顧各老蒼  
豈獨成老蒼亦有黃墟旁圖亦不可卽樓亦不可望借問  
樓中人何日歸故鄉故鄉渺難越詩債殊未央題詩還君

圖願與圖相忘

閒庭偶成

一角槐天當夢尋此中庭院太深深竹雞啼罷過松鼠同  
向春風占綠陰

瓊海篇送朱海喬同年出守瓊州卽題圖後

夢不羨遊華胥生不願封扶餘但願一麾出守瀛海外一  
十二縣來囑于可以箭雲駟馳驅車君才英特金臺趨二  
十明光宮三十承明廬蓬萊頂上擢仙骨瓊島一氣通扶  
輿君生西海頭君宦東海隅蜚人十萬戶螺列而蝸居  
帝命咨汝二千石再拜稽首 帝曰俞南天作鎮鎮者誰  
臣蔣臣董端其樞君策五馬渡遼海海外作郡遊清虛方

今 聖化六幕一聲教所訖天無殊紅毛志日本書土訓  
誦訓兼師儒鬱林有奇石合浦無明珠不貴異物賤用物  
黃童白叟爭謹呼此間曠土無地無橘封一千頭桑植八  
百株親自督勸開耰耨君乃識字耕田夫買牛買犢勤耕  
畚瓊田墾上崑崙墟官上上考地上腴他日報政賢良俱  
進君百觥醉舞相軒渠捧圖送別良區區

再題海喬驚塘耦耕圖

聞城煙雨榕陰地瓊海風濤荔子天卻憶半耕兼半讀龍

山書屋驚塘田

向有龍山書屋圖

曾從燕市說朱家蓬島迴尋谷口斜渤海傲他龔太守買  
牛買犢占生涯

題王子卿前輩古香精舍圖

一龕香影橫鳩茲圖照寺角依南枝蒼苔積鐵古佛臥一  
夢廿載相參差青袍舊客赭山下此地當年一傳舍君時  
花底正懷人早卷東風入圖畫花魂月魄煙茫茫朔風離  
合江天長深紅淡白變緇素披圖卻對東華鄉看花茵席  
思禪坐不見花開見花墮笛聲吹斷向天涯翠羽枝頭啼  
入破宋時手植八百年詩僧遽逐梅根仙僧梅根自言杜  
然後能爲選體  
詩今化去已廿  
年余曾銘其碣憶君苦相待畫裏高寒訴眞宰夜來我亦望江南香雪眞  
濛濛人海

程春廬屬題其夫人花卉冊

墨圃羣芳遣歲華  
刪除側豔足名家  
玉臺打出東風譜  
壓倒唐昌閣體花

閒憑縑素儘綢繆  
畫譜翻來韻最迺  
記取鴛湖新水色  
瓣香飄落在南樓

三月八日偕琴南移寓芝蔴街地有花圃閒曠特甚  
閒將雞犬共移家  
紙閣雲牕貯五車  
檢點好春應選樹  
安排清夜更看花  
任教曲檻千重折  
休放疎籬一道斜  
料理世閒農圃事  
朝朝抱甕卽生涯

周忠毅公玉印

印鐫季侯二字相傳爲獄中所佩後某得之嶺南  
歸其六世孫鶴立屬予賦此

巨璫毒焰忠魂泣片玉流傳經百劫南臺故物出東林鐵

石心腸名不滅季侯兩字藏鋒來香姜作篆同雷雷金甌

已缺玉不破御史卻憶仁和推顧憲成王世貞請諡錢夢

臯石揚詆首疏輔臣邊釁起茄花委鬼入宮廷排闥彈

章憑一洗宋娥王聖殷鑒存給事郭鞏蠅營昏羅織朝士

盡一網摘瓜抱蔓變蟠根用疏中語獄中此印尋常佩腰紫金

魚笑荷袋虞國誰能披褐完趙廷可惜連城碎上公不識

一字丁此印枉作蛟螭形嶺南碧葬有歸日照耀八極如

丹青兩家忠毅前朝並趙公如意周公印今日文孫故物

還衛公遺器令人敬墨綬銅章惠政多手攜祖硯一摩挲

持添金薤琳瑯訓請繼珊瑚鐵網歌

爲陳秋舫題洞庭秋舫圖

吳儂居鄰東洞庭七十二峯空畫屏夢遊忽到鷓鴣岸湘  
雨湘煙啼不醒晴牕潑墨破孤迥竿頂絲風裊千頃夜深  
龍女起叩舷一點君山墮鬢影秋月自白湖始波芙蓉欲  
老秋柰何爲君題詩詩亦畫九面衡帆望中挂

題靈隱書藏收弄梧門先生存素堂詩集卷後兼示

乙山中翰

詩龕舊主人結想山水曠迢迢西涯社落落東林藏遂令  
明聖湖忽施莊嚴相再緣來者塗一補生時障妙借詩喻  
禪指示津所尙挂角尋羚羊渡河出香象蘇齋真導師棒  
喝等提唱長懸龕中燈廣布席間丈鯨鏗固有因獅座正



無量無隱木犀香斯言倘元暢

題翁星原松蔭圖

君不見廬山九老之高峯又不見黃山五老之長松松枝  
參天根入地清嘯落落蒼髯翁不做五大夫不羨十八公  
霜皮剝落幾千載茯苓琥珀如春濃其閒三秀芝茸茸下  
有新竹難爲容垂空餘蔭足生意澗底那用嚴霜封卷圖  
萬里來松風我公骨幹將毋同託松之蔭肖松品尺鱗寸  
甲皆虬龍脫巾一笑得詩意恍侍鶴立庭當中夜間疑有  
笛來過鶴聲一一橫江東

覃溪夫子瓊林與宴詩

恩榮東觀喜重新屈指年光六十巡香榜早於初 賜宴

王申會試在九月桃源紅入再來春甲戌四月散館階翻夢尾闥

逾好座有龍頭記最真新殿撰為桐城龍汝言晉水越山相對說捧

雲何不聚三人是科同年為浙中梁山舟晉中鄭東侯兩先生而梁鄭俱未與宴

婆娑一老魯靈光當日趨筵最少行臣遇幸叨官一品主

恩爭設酒千觴先生不勝杯杓故云石帆時話歸齊記虹月書名寶

晉償我自蘭陵添韻事莊瞿家乘侈朝章時南宮第一人為瞿君溶

其令祖前甲戌擬中第三名得莊本繩先生卷抽去今春曾現夢兆亦異數不誣也

### 送陳鐵齋景崧孝廉下第之代州

春明幕遇一鞭投十五年前此倡酬歎逝已多朝露感恩

家空對暮山愁平生哀樂由來慣客路悲歡不自由後夜

懷君憑遠夢燕鴻代雁盼書郵

簡祁生移寓彌陀寺

十丈塵中一尺泥，門前積雨欲連畦。  
春山鵲噪吾何競，秋水蛙鳴物自齊。  
閒拓小牕臨畫彙，偶尋粉壁習詩題。  
茶煙儘伴參寥子，不管空堂日易西。

題鄭蕙坪

顧若

榕屋橫琴圖

廊生抱琴海中央，誰其主者雲璵娘。

廊湛若有琴曾見之

天風吹斷

萬萬古海水，一碧相宮商。榕蔭蔽天結書屋，中有詩人來。

鄭谷詩聲歇處出琴聲，恰對文君看鬢綠。

調蕙坪載女郎事

牕前

置膝橫素琴，水仙奏罷情恹恹。一彈三歎自太古，峭壁瀉

響泉清冷。焦尾音希寡，同調七條冰。絃寫空照粵臺，只有

鷓鴣飛忽上丹山鳳。鳳叫朱絃疏越貢，廟堂卽今殿上。

趨明光門前紅輪日孤湧古音獨自聽空桑海天一角秋  
齋掩千尺波濤迷望眼無人寫韻綵鸞軒迸出雙聲抽獨  
繭珊瑚樹底霏玉塵材不材閒置此身迴看海若移情處  
祇有吾師方子春

陸秀三屬題勺庭雅集圖卽送其歸里

廉讓之閒風日美誰占人閒一勾水牕前厯厯見晴川忘  
卻長江幾千里我昔醉騎黃鶴飛繫艇獨自尋漁磯郎官  
湖上一回首白也小佳情依依正平銷沈正則死酒魄詩  
魂乃如此古今同此問餘天有淚還傾筇雲子前歲周筇雲客死武  
昌披圖瞥見桑苧翁品泉不復追家風青鞋布襪走天下  
此生只合浮江東卽今共策春明騎祇覺蒼顏變容易東

風蠟淚畫中看忽照年時舊遊地惜君後我二十年不及  
杯酌相周旋勾庭風景亦猶昔逝者一往如流泉君時行  
裝攪風絮我亦歸心渺難馭馬頭一笑各西東醉卷橫圖  
入山去

答陳秋舫月夜見懷之作

掃盡茗烟坐閒宵如此清風亭螢亂八月地鶴孤行出世  
思何著還山夢易成嬋娟牕外竹應識此時情

龍泉寺向有鸚鵡一鹿一去歲化去重過其地惘然

久之得詩二首

已罷僧寮喚客聲堂前碁局任縱橫影依藥檻疑猶在語  
雜花鈴記不清偏爲聰明經小劫欲從文字幟來生雪衣

好伴唐宮塚一卷金經是去程

悼鸚鵡

呦呦苹塹記追陪曾是銜花出  
禁來但許仙人終古放  
不知經洞爲誰開芭蕉夢斷從翻覆  
樸檉吟成任往回漫  
說長生好消息銅牌何處傍香臺

悼鹿

秋舫三十有自述詩卽贈

我年三十不可當目空江夏凌漢陽後三十年剎那耳謂  
可突兀傾侯王君時稚齒我未識近說詩才老無匹飄然  
人海忽相逢卻笑我年過半百折楊皇琴滿路人曲高寡  
和空陽春材不材閒置身好詩腸斗大盤輪囷于皇杜叟  
赤方顧當日詩壇安足數一枝健筆出羣雄力挽狂瀾特  
雄楚君今三十聽我歌我年三十如君過三十年後當如

何

五月十七日爲椒山先生生日壽筵月日相同其年亦已亥也適購椒山所書楹帖是日懸之座隅中設倪鴻寶山水畫幅余賦此卽以壽壽筵

椒山初度已亥生後三百年得壽筵同公日月拜公像十

字突過書百楹泉山風雨有深契

楹帖語

小屋自作空山聲

丹心照耀足千古

椒山語

五月十七懸精英配之鴻寶畫一

軸神彩映發殊天成長空浩氣助舒卷衣雲閣上秋虹橫壽筵字畫有奇癖圖書亂置牕字晴史編欲訂三豕渡詩句忽驚一鶴鳴讀公楹帖儘留戀坐臥三日不轉睛作詩請爲壽筵壽證無生果歸無名

花西宮圖雜花卉詩

綠天不能罷忽破一翦紅美人如捧心獨豔當秋風卻笑  
高士畫只耐臥雪中

美人蕉

蕭蕭花圃秋中有漢宮怨恍如掩長門風前泣團扇綠衣  
而黃裳霜天自驚顫

漢宮秋

瑣碎託化工不受嚴霜弄天心憐小艸刀翦秋來動只隔  
一重紗西牕破幽夢

翦秋紗

階前一鼓花亦自能長春宜春復宜夏雅似黃冠人傲彼  
八千秋有樹名大椿

長春花

秦樓風露深花閒與誰共闌干爭徙倚側側輕寒送欲舞

仙乎仙高歌鳳兮鳳

鳳仙



香團漠漠泥玉綴盈盈露有似碧雲簪端宜好風度莫被

晚風吹垂簾爲持護

晚香玉

歸心搖五湖日見蓼花拜疎疎復斜斜恍立烟波界水閣

一枝橫江南影如畫

紅蓼花余家有水莊花閣

葵花自傾心葵根自衛足裴裒古井畔對此忽思蜀錦江

風雨多浣花日相屬

蜀葵

叢叢茉莉花渲染秋空氣卻配素馨色扶上玲瓏髻紫玉

不成煙看他抹多麗

紫茉莉

亭亭瑤露下的的玉人憐卻稱閒梳櫛空庭石髮妍曉來

偷折處搔首立風前

玉搔頭

采菊日之夕采藍則終朝此乃菊婢耳有如侍翠翹東籬

幸去之惡莠恐亂苗

藍菊

但覺紅衣暖不知翠袖涼一鼓媚離落花葉渾相當桃源  
與竹林所至惟劉郎

夾竹桃

### 題王石谷漁洋山莊圖

鵲華山下蠶尾房誰其居者稱漁洋漁洋不合入山住卻  
遣妙手圖縑緙烏目山人石谷子在山之人得山旨胸藏  
邱壑潑煙雲十日畫山乃如此山中爲寫山精神山之面  
目天然真云云亭亭等閒耳泰岱一氣盤輪囷公於詩派  
得山氣平遠如山出容易亦如石谷畫中禪樓閣華嚴現  
空際此詩此畫稱此山出山入山離合閒題成我欲捲圖  
去海上三山風引還

七月十七日王子卿侍御邀同人汎舟通惠河爲展  
七夕之會

曝衣樓頭月端正連愛牽絲續長命今夕何夕秋漸高扁  
舟再展填河興填河好趁郭外橋單衫小扇來逍遙孟蘭  
鐙火已罷宴更設瓜果遲清宵銀灣脈脈繩低轉牛女相  
望不辭遠亦知闌角隔年非空使簾波終日卷天上一日  
如一年十日已覺星期旋明星不許人如月孤負琉璃樓夜  
夜圓

蔣慕門先生入傳文苑書後

儒林與文苑入傳派別遵豈知文亦儒一儒天地人先生  
慕絕業津逮與古循舊好杭厲交先儒馬鄭親文章自華

國篤行學則醇所以篋中秘斯爲席上珍六經有精華詩  
義先具陳詩固正而葩寔重君父倫儒理貴日章不蔽闇  
室塵尙絀惡昭著要出衣錦身揚子擬太元旨同韓與荀  
技固進乎道藝亦通乎神我詩撒籥籬欲使文學伸古來  
儒行篇足定名山真

八月初一日偕陳秋舫及胡安之堦保之遊極樂寺

作

萬綠裏孤寺入門成綠天草氣薰客衣胡蝶飛翩翩幽禽  
故不喧言語如管絃同行二三子踞石擬列仙疎鐘隔樹  
出初啟香積筵惜不攜行廚蔬果良亦便清遊可無酒香  
氣已破禪空堂掃塵障所供惟爐烟

中開國花堂軒敞納蒼蒨宛宛離閒花細碎奪秋艷僧雖  
理幽事益益拂拭徧花房如蠅牆取逕只一線蟬老曳風  
絲燕新墮泥片煮茗淡忘歸空林有餘戀

灌井無停機蓄池無動形流行而坎止此理通杳冥蘭若  
自闌寂薦爽歸小亭花氣不一族各自成畦町牆隙露郊  
甸芳疇無點青枯僧黃面餘菜色如酸丁吾儕固多感所  
悅物候馨歸途繞池曲兩耳餘清冷

杪秋將出京留別同人

三年重轉軟紅車問訊秋園一樹花幾輩送人多作郡半  
生爲客欲移家名心還海千年淚世事恒河萬劫沙後夜  
停雲成獨立空依北斗望京華

留別花西寓圃并示琴南

春明不受客中憐各有閒居賦一篇芳草正堪充雜佩柳  
條何意策歸鞭酒闌夢醒猶看月米貴書來欲禁煙寥落  
晨星三兩輩不勝惆悵過中年

一重籬落一重牆別有清愁繞曲廊世上風原吹馬耳庭  
前路已似羊腸空留士論虛東閣競說鄉心爲北堂未免  
郭門商去住廿年湖海賀知章

尚絅堂詩集卷四十七終

尚綱堂詩集卷四十八

陽湖 劉嗣綰 醇甫

懷南集

甲戌乙亥

鷓鴣之鳴但南不北懷土之思也時以省親言歸江  
國方值歲饑稻梁失所澤雁哀鳴其又有北向之思  
乎

登雄縣城樓

莽莽收平楚城臨古易陽塞空銜日紫河盡卷沙黃岸勢  
千行柳樓陰一樹桑蘆苗無寸綠何處繫駒場

曉過趙北口

爲有長橋望瀕行更駐驂風聲經趙北水影畫江南野雀



投倉噪河魚入饌甘此行塵夢醒借枕向來諳

出河間

野色平如掌邨餘獨樹高饑烏喧晚店餓馬競空槽禮樂  
賢王古風沙倦客勞蓬萊應不遠入海笑連鰲

海卽其地

九日雨住留智廟

一天細雨如牛毛馬蹄得得行平皋人煙漸減野火入欲  
廢令節辭登高尊前一雁方南翔行人競說江淮荒故園  
兄弟好相見得歸莫問茱萸觴

出南沙河

風稜終日惡只自轉晴雷怒石迸山出狂沙移海來雙崖

臨水閉獨樹待雲回所喜青疇足民無菜色哀

汭河小憩

天光暎迴流一鏡涵靄潏蘋波繚繞之水色發天繪茲泉  
源出處倘自嶧山背清極無停機自與風雲會同行二三  
子一勺資灌溉竚立思濯纓江南出襟帶

官湖望遠入江南第一程也

江南天色半寒溫路入官湖望易昏畫裏雲山都沒骨秋  
邊花草最銷魂營空未許閒兵臥寺破還容古佛尊記得  
舊時攀客地條條楊柳不知門

望高郵湖

西南風緊沂中流浩瀾湖光綠上舟兩板水紋搖鸞社一

旗酒色寫高郵天邊濕雁濛濛落水際輕鳬拍拍浮聽說  
竹西歌吹歇臥吹笙竊到揚州

示女幼茗

鍾情兒女笑柔腸暫展慈闈返故鄉少日放懷娛謝墅中  
年分愛到平陽閒臨畫譜移苔格偶助吟毫試茗香不管  
西風刀剪急端居爲理嫁衣裳

題靈巖山館集後

八百孤寒淚數行一編遺集慟靈光名山及見千秋富廣  
廈旋驚半畝荒靈巖山館已易主矣海外才傳蘇玉局生前福是郭  
汾陽如何墓掩靈巖麓竟少兒孫奠酒漿子嵩珠嶽珠相繼天折孫蘭慶

有疾且無子

宏閣衣冠海內先人言宜佛亦宜仙空留憾事虛韜略未

就名心付史編

公纂史籍考未竟

富貴豈容公論廢風流應得異

時憐後堂絲竹多銷歇幾輩門生哭九泉

包孝肅玉帶硯爲葛君賦

先生曾知端州歲補不持一硯歸

包公一笑黃河清飄然出守端州城石腸鐵面化爲硯一片攝得真精英葛仙別有古懷抱勾漏丹砂落瓊島天涯持贈庵主人把玩何如鬱林好凹深背古穹其中太守十字爭藏鋒上銘玉帶似更古兌子珍象工磨礪我聞東坡攜玉帶留鎮山門吐光怪又聞信國玉帶生成仁取義何錚錚廉船載歸作清供猶帶端溪煙雨重青囊右補救生篇

君精醫理

肘後攜來好陪從君今捧檄將安之遠離蠻洞供

臨池願君執法贈君語石友端方卽是師

賑局詩

歲星黯無光東南以災告大吏事陳請 皇仁先覆冒龍  
山雖一隅赤地荒井竈哀鴻中澤來有司敢匿報饑民三  
十萬起死迴大造悲哉春陵行中心實余悼

設局城之中紳士總條貫長官如治絲不使胥吏亂各圖  
主賑錢任卹無越畔捐多董其成能事可立判贏虧道在  
全貧富理則半太和團結成弗令氣泮渙庶幾三代遺淳  
風回水旱

先期事採買返權從兩湖置之積穀倉暫緩民迫呼豈繫  
情農責天涸地亦枯鵠面而龜手安得完肌膚亦有士旅

後困苦愁妻孥一粥戀故鄉幸免他方逋饑寒無兩形生  
死歸同途堯舜濟猶病禹稷饑亦辜倒懸苦未解忍進流  
民圖

鄉城四十厰董事更煮粥釀錢不留名豈不給所欲施衣  
及施藥料理到棺木別籌八萬餘陸續漸贍足尙苦溫疫  
盛時聞一路哭邨中菜色稀行見麥將熟卽此辭賑風當  
希讓畔俗聊充十日哺勝積三年蓄作詩告有司一誠轉  
諸福

賑丐行

寺門千人堵牆立鵠面鳩形相對泣一人出門給百錢丐  
之驪聲行動天丐兮免流亡丐兮覓棲止叩頭謝官敢言

恥丐之妻孥父母子扶老攜幼歸故墟願丐常作良民居  
他年丐亦施錢者感泣還聞遍四野

題蒹浦釣徒圖爲沈蒹浦作

君不學韓王孫君不學任公子蒹絲裊斷一竿風畫裏江  
湖幾千里釣徒浪跡秦蜀中家世自是清門宗只今返櫂  
故鄉水浩蕩但作天隨翁鴛鴦湖邊煙雨迴來繫西蠡河  
畔艇一壺一笠自生涯釣罷安知西日斜

內家伴雲書屋海棠甚開棖觸前懷惘然欲絕賦此  
以紀

一樹魂銷豔雨中依然屋角笑春風模糊鈴語聽猶在零  
落巢痕翦不工海燕自棲文杏換山鵲聞啄石榴空傷心

絳蠟成灰後淚濕階前寸寸紅

三日董晉卿招飲作

桃花豔絕傷城開幸有同人折簡催  
一種雲溪流水吟天  
教細雨被塵來

幾日清明上冢斜兒童逐隊打慈鴉  
門前野景多狼籍可  
有人挑薺菜花

小憩藤花下

雛鶯稚蝶小裊裊滿院斜陽麗  
般堆唱出紫雲迴一曲美  
人無數鞦韆來

參空古樹最森森上有名花冒十尋  
天半朱霞不知處春  
風吹夢落藤陰

家園有銀杏樹十數株藤花盤踞殆遍萎已久矣



清尋閣

梅花曾落處一石一琴牀

旁有梅花書屋

小隱憑欄得清遊面壁

忘圓枰娛歲月斷碣話文章卻笑東鄰子笙歌正未央

亦園示侯健六同年

一波一折開一塘一亭恰枕波中央疎籬密布小邱壑岸

曲遶出溪流長昔年茲地宴遊盛河映山屏入明鏡

地臨山

河東風蠟淚已成堆不記園丁幾名姓平泉梓澤半已墟

中有俗子來遷居玲瓏縹緲徙山石髣髴良岳相軒渠門

前野菜餘薇蕨門外行人去超忽柏扁松圓一逕斜避塵

額坐上花梢月

小峴先生招同淩伯齋施雪帆王孟裁秦楞香小飲

遂庵以試茶爲題分體得七古

故山泉水別十年竹爐冷斷山房煙忽來遂庵坐試茗松  
風吹入吟毫顛趙夢陳曼生二令仙乎仙遠寄茶具銘詞全  
主人品泉習水厄七椀共適壺中天昔年邗上題襟聯官  
齋無事茶戲便吳儂自有碧蘿癖建溪蒙頂誰能先卽今  
團月懸天邊風波欲隔瓜皮船買茶只合辦歸計所苦陽  
羨今無田一甌入手爭留連鬢絲禪榻空迴旋清風自生  
瓶盎底活火共潑旗槍前公詩有似吸百川相對重結烟  
雲緣朝來一夢墮巖壑三竿紅日娛高眠

真州官解題就竹亭爲琴塢同年賦

瀟湘畫裏與平分自掃閒牕貯碧雲莫說清貧饒太守由

來瘦骨不如君

龍潭道中遇大風雨

一潭水氣四山雲拉雜松風望不分直送癡龍過江去湖  
中還有洞庭君

華陽一路洞天開昨歲高田盡旱災雨挾泉聲太奔放可  
應商略出山來

重到瞻園下榻十日卽東雲柯方伯兼示同人

誰作名園主留題亦屢經入林攜石友覓徑問畦丁支屋  
梧桐古沿牆薜荔青草堂天久漏何處補春星  
聽雨京華夕連牀故相門論心足今古話舊幾朝昏黜業  
看青鏡容顏貯綠尊一編持太僕述德此重論

往者追遊地前塵半劫灰搏人黃土散照客綠波來識面  
花應笑聞歌水欲迴昔年殘墨黯昏壁盡莓苔

暫乞登高興流連暮影斜倚松招獨鶴地有招鶴亭搖竹散羣

鴉小住停雲履閒迎問字車曉牕重落墨飛夢卽天涯

楊桂堂約同汎舟秦淮作

煙波重上木蘭舟小扇單衫借早秋一種無人補圖畫鍾

山清影落淮流

涼亭水閣最淒清浪得南朝冶習名他日秦淮洗羅綺青

溪一曲一書聲

六月十七日曉起至慈雲寺觀荷

涼亭曉起借清秋繫纜慈雲爲少留千柄綠搖開士笑一

花紅退美人愁何堪金粉如殘畫且向禽魚結淨遊茲是  
湖光最佳處小金山色在中流

汪巨川屬題其先人海陽古梅圖時遺像不存歲時  
卽以此梅設祀焉

誰其畫者鐵佛孫中有鐵筆蟠梅根空山無人自倔強鐵  
佛之孫老鐵狀當時膂力號勝猴士夫家畜一猴絕有力與搏勝之時稱勝猴  
猿臂突出凌高秋秋高直逼歲寒古梅亦橫空亂飛舞君  
之形相渺不存此梅便是君精魂虛堂拜罷鶴背跨鐵石  
腸前看遺挂

舟泛五里湖

五里青溪港幾重漁莊鱗鱗自從容前邨一帶稻花熟中

有濤聲連夜春

仙女墩前最有情采菱來處櫂歌輕隔湖水色清如許洗

盡橋邊罵齏聲

罵齏港西日罵齏橋

千點炊烟灑碧蕪西風獵獵占菰蒲明霞繡遍斜陽外大

渲邨前拓畫圖

地有大渲港

高子水居

在琴山

琴山落清響下有高子廬止水鳴咽聲一徑來水屈結楹  
不一畝可樓可讀書其下連月坡吟咏亦自知涇陽信同  
道東林良啟予自能遠利害豈復計毀譽一從歸田後二  
百年有餘前賢渺遺像握衣覓榛墟風蘿罨古壁石竹寒  
清渠門前流水聲過客爲歛歔

月夜泛舟太湖

蜻蛉艇子撲溟濛  
剪取輕帆漾碧空  
七十二峯三萬頃  
夜山都在月明中  
明鏡搖天盡白雲  
龍宮一笛不堪聞  
夫山斷處椒山續  
蔓壑枝峯總不分

花藏

望湖亭上望只似洞庭山  
古寺不嫌僻今人無此閒  
潭光涵佛髻岫色落仙鬟  
舊額留於野同人占一閒

於野草堂額爲侯覲

峯先生舊名近係王仁山丈所書

管社小憩

傑閣本無色空中留翠聲

地有翠聲閣

一花隨雨散雙鳥待雲

生竹已題名古峯還識面迎此中堪尙友

中有尙友堂額壤壁網

塵輕

泉脈漱雲液天根尋太虛澗空曾渡鹿檻折罷觀魚

渡鹿淵觀

魚檻皆地名

舊籍藏三略奇情問五車元亭今久廢懷絕紫淵

居謂楊紫淵逸民

重九前二日巢松招同彭甘亭朱西生小飲遊仙讀

梵之齋於時甘亭別九年矣感舊撫時悵然賦此

艱難故人面一面十年來道氣歸書卷豪情減酒杯傳文

及身定野服稱心裁莫厭支離相相逢話劫灰

盡除名士氣湖海欲何之書少嬌兒讀機餘病婦支家貧

常慰僕學積自求師莫負庭前桂秋山正好時



護碑圖爲煤溪錢泳作

碑爲錢文穆王神道碑有石晉天福八年字在杭州玉皇山下二十九世孫泳築亭護之繪圖以傳

余作是詩

十四州郡天蒼茫臨安王氣餘錢塘鬼神失守子孫護片石不共風煙荒武肅而還乃文穆石晉八年溯天福國祚將移表石麟家聲乍振誇銀鹿玉皇山下尋榛萊風雨剝蝕橋陵頽城當衣錦曾封樹塔是塗金已剝苔當年英武雄予智萬弩潮頭自天至鐵券書開帶礪盟錦樓集壯江山字一千載上九十年二十九世雲孫賢表忠已數陳碑碣表忠觀碑移置府學已久君請於述德還看纂史編輯前按察使秦淩滄先生因復其舊

武肅以來世表列傳  
爲述德編可百卷

卽今圖裏瞻山麓孤亭只自登登築  
弓烏衣冠好護持此碑不朽長堪讀

姚春木自松江來將由揚州至山東道過錫山見訪  
適余往五里湖不值孟冬書來卽和其韻

江流久斷雙鯉魚停雲但覺雲模糊挂帆偶訪剡溪戴  
舫適至眉山蘇有如絃夔共憐惜忽似鷗鷺相招呼衣冠  
枉自列臺省名譽不用浮江湖傳家盡寶帝鴻硯握筆競  
說隋侯珠久無高人守松桂可惜下士齊菰蒲清才君傲  
屠狗輩壯志我笑雕蟲夫火然亦易變灰燼九轉豈止同  
甌臠此行東路馬蹄駛嶽色蒼翠涼肌膚歸程遲爾臘將  
破然襟共話瓜芋區

春木至

盡眼爲停雲翠舟忽見君悲歡詩史在聚散酒杯分東郭  
行穿履西華自曳裙海天餘夙友惆悵怨離羣

得墨卿揚州寓舍計

淚灑河干送客舟客中豈料死揚州一官已厭還延佇五  
馬無歸任去留殘局那堪遺俗累餘生何苦作豪遊多君  
信美江山福君極誇興化風俗之美只博雷塘土一邱

悼姚姬傳先生

溫溫姚先生自惜古懷抱榮名八十年天不憖一老通籍  
文苑班致身非不早厯轉白雲司佇看上上考胸無韓愈  
書袖有疏廣囊拂衣歸故鄉風骨乃力保東南久裘靡土

曾亦已耗公持吾道權設教鍾阜好斯文有正宗所貴振  
枯槁能扶八代衰一洗六朝擾譬如狂瀾迴不惜帆力飽  
歛氣歸中和鎔才就清矯豈獨坐春風被化若偃草忽聞  
梁木萎摧絕各驚倒睨焉顧公廬遠似海中島楹書付子  
孫棄擲等蓬葆茂陵身後嗟西州眼前悼我來親德容測  
裏如見表弦望一月周河山千古邈招些哀庚辰聞鐘感  
子卯哭公溯銘旌呼溷海天浩

重過揚州不泊岸

舊雨魂銷幾暮朝山陽笛裏路迢迢休攀楊柳尋門巷不  
見當年廿四橋

泊邵伯鎮遇雪

湖岸似天涯湖風捲雪斜  
挈舟唱黃竹飛夢入瓊花  
顧影銜蘆雁驚心覓樹鴉  
家人好相語一枕卽還家

尚絅堂詩集卷四十八終

尙絅堂詩集卷四十九

陽湖 劉嗣綰 醇甫

雪泥集

乙亥  
丙子

一天風雪重到京師詩社招邀踪跡頗密遂名是時  
詩爲雪泥集

團雪篇

散雪纔一年轉眼又團雪長安門外望聚處色寒絕故人  
東西來不覺屐齒折低頭互方圓仰面尙騷屑重開詩人  
社彼此各清切圍處見周遭走來看蹙躂拈題各沉吟句  
欲亂金鐵枚馬遲速似環燕瘦肥別明月茶許團白雲視  
能說一笑泥雪痕階前鴻爪設

夜寒曲黃際清岸舟銷寒第二集

爐偎睡鳴扶殘醉硯池水滴蟾蜍淚夜牕呵手斂薑芽一  
燈如豆驚寒墜鐵衾瑟縮吳蠶僵冷夢惺忪短牆漏聲  
隔巷斷復續三十六宮長更長

石士前輩銷寒第三集出惜抱翁所貽高山流水硯  
屬賦

高山流水絃絕彈鍾期一去海島寒空留硯石貯君篋想  
見墨染金壺乾珍藏往者叟惜抱持贈石交永爲寶但署  
山樵不著名蓬萊回首成傾倒款識蓬萊山樵高齋夜寒天雨霜  
古硯出匣烟蒼茫紅泉翠巘隔人世面銘云翠巘倚雲紅泉鳴玉對此  
令我悽肝腸文瀾一望風濤起蘇海韓潮落千里人閒誰

與挽頽波片石中流柱堪砥水不可卽山可名鍾阜青青  
與古爭一編撰述高風在依舊先生移我情

墨莊前輩招同人集寓齋適石士前輩購得陳老蓮  
畫鷹同人卽請爲題余得五古一首

古壁一突元素練生秋霜神鷹瞥然下宰立來空堂爪牙  
縱犬利面目森鵠張所矢在一擊豈佇空中揚雄心背萬  
里勁氣盤八荒下視眼如鬼善惡分毫芒師門出念臺風  
骨莫敢當君能通畫理落紙猶軒昂峭厲逼外露威稜期  
中藏豈似肉食輩而肯飽則颺展圖敢進言座客皆徬徨  
朝來烏雀噪辟易飛彈章

唐大和二年十二月雁塔題名碑歌應覃溪師作碑



首有同登字下刊鄉貢進士柳槃大理評事柳乘左  
拾遺裴休字

有唐雁塔名無訛登者恍似遊卷阿浮屠一色燦金碧髣  
髴澹墨書登科當年肇始自韋肇此後著錄工編摩寺名  
無漏亦已古上有屋漏痕偏多大和二年十二月文宗多  
士勤搜羅槃也乘也一家耳毋乃字腳沿元和豈宗誠懸  
諫筆正擲筆直上青雲窩又聞裴休素好佛此塔便是窠  
堵坡重摹石本可十卷奚啻千佛名經過少陵昔未第進  
士石壁乃復臨嵯峨宣和柳城亦手泐那及此本完無他  
吾儕翰墨豈足重所恃題者名不磨曲江宴罷自千古師  
乎作篆吾其歌

二月二日蘭坡前輩銷寒第六集出仇實父上林圖  
爲題余以往年有七古一章請書絕句一首

往歲圖開羽獵餘樓臺天上亦僊居相如今日從旁看怕  
著精神賦子虛

蘭坡又請以席中琴魚爲題余得五古一章

昔過子陵瀨鱗族同浮沉又聞琴高溪有魚小如針出聽  
亦了了豈是無絃琴得毋瓠巴來所得殊知音小鮮那足  
言況說慨釜鬻點茶偶然耳有酒聊自斟琴溪固君地鄉  
物見素心夢騎赤鯉遊此味相追尋

文信國青鐵名印歌

西臺竹石空中碎卜卦亭前斷文字劫灰飛去七百年名

印渾從海天墜冰心鐵骨徑寸長姓氏恍出零丁洋六州

已是鐵鑄錯周櫟園傳猶能詳

周櫟園印人傳載此印

勤王當日軍

威盛此印居然佐行陣塞外如來鐵券書軍中已下金牌  
令兩宮北狩煙塵橫六宮降表爭僉名孤琴竟遂黃冠客  
斷硯還隨玉帶生天邊朱鳥魂歸黑海外厓山看不得片  
石還疑墓上來斑斕尙帶冬青色

### 黃梅

狂蜂探借豔陽還一樹濃香出手攀疎影亦臨春水渡高  
枝都在夕陽山佛緣擬證梅黃果仙格須參萼綠班一樣  
隴頭遲驛使蠟書應不到人間

奉和覃溪師見示論詩之作

隔巷風光過禁烟春寒日日聳吟肩看花未得謀輕醉結

社還思就爛眠石土前輩即舊友談能銷永夕新題補爲

惜流年閉門只合陳無已索句連朝費短箋

前輩風流彼一時元亭又復慟吾師去歲梁山舟姚姬傳

得蓉裳師川中之計中年漸少疎狂伴暇日惟餘爛散思來往刺多

空過眼推敲律細更拈髭出門牘有蘇齋老導引頻煩坐

# 論詩

## 錢衍石齋觀明呂仲溫手書陶詩卷

陶詩本希音乃是無聲詩不知有漢代安論魏晉時柴桑

愛吾廬悠然生古思下視韋與王何況儲光羲手錄自有

明對此遊義熙辦香一再誦羲皇即吾師

仲溫真性情以陶闢畦畛意從南山來徑自東籬引中有  
歸去詞詩意儘堪領卷舒手此圖出岫似雲影有如讀我  
書非夢亦非醒恍在石鐘山江聲發清省

董小楂前輩秋鐙對讀圖卷悼其令弟柳江前輩作  
也

秋山一鐙讀十年只今讀畫空雲烟軟紅塵裏拂絹素爲  
述舊事生纏綿昉溪烟雨敬亭樹二妙當年讀書處弟兄  
先後列承明誰想雁行留不住故山回首西堂空書聲指  
點茲圖中柯亭劉井忽相憶安得雛鳳棲梧桐天風離合  
吹蓬島細數清歡一傾倒院落歸遲夜有蓮池塘夢斷春  
無草我亦鴿原涕淚多東頭老屋渺山河

悼成之季弟故云

故園

燕麥春風裏把卷天涯發浩歌

丙子考差寓山莊之集賢院雜題斷句

哲學詩人賦澗阿空桑一宿戀還多山池十畝寬如許幾  
輩詞臣載酒過

當日爭誇宰相莊此間池館此間廊遶堤垂柳無重數曾  
送鞦韆影過牆

枉渚斜川曲折分分來活水綠沄沄芙蓉葉爛無人到只  
帶西灣一片雲

翠袖遲他障楚天曲池葉子已田田飛來白鷺如相識尺  
幅江湖落眼前

欲避塵囂耐冷官門前車馬是長安隔牆冠蓋如雲鬧槐

蠟從他冷眼看

莫從流水數華年  
小院憑他喚集賢  
我是忙中閒手筆  
憑將花木記平泉

追題阮山兄重問釣遊圖

水天一綠雲溪遊重來  
人上雲溪舟年時童子釣遊侶  
瞰眼蘆花今白頭  
門前柳絮飛零亂  
生意婆娑腸欲斷  
趙家水閣蔣家樓  
何處危欄倚天半  
岸邊安得繫畫艫  
短樹指點成枯樁  
曉風殘月蹋歌去  
明日又拍梁園腔  
只今畫裏真成夢  
隔世黃蘆忽增痛  
欲向圖中問釣遊  
夜烏啼遍寒江凍

夜宿集賢院遇雨

儘有清涼夢曹騰只片時雨聲過竹葉秋意入松枝巷柝  
當階寂書燈隔水知明朝殿前試莫問夜何其

汪均之贈余山水橫幅余卽名之曰此中有我圖十  
月九日銷寒第一集卽偕均之與之暨石士前輩琴  
南竹友蘭塘彥聞在小玲瓏館賦此

好龍詫真龍好馬辨真馬如何我有真轉欲求之假汪生  
贈我圖一若我心寫烟雲涵八荒山水被四野中有南陽  
廬抱膝蓋已寡須知本無我有我亦瀟灑置之天壤中誰  
取復誰舍吾儕長安居豈獨講風雅爲題有我圖持此告  
來者

竹友招集小玲瓏館作銷寒第三會時寒夜將闌聽



丁惠甫彈塞上鴻曲

琴上曲三終山房度朔風江沙驚落雁塞雨怨離鴻鴻飛  
不曾歇促柱情何似猶合揀榆關棲難傍蘆澤一絃停一  
行行散覺聲忙鳥鵲門前月鴛鴦瓦上霜手揮兼目送忽  
到江南夢斷角入朝吹殘箏成夜弄錦字有無閒誰從塞  
上還冷落飛狐穴蒼茫大翻山鴻歸苦無主遵陸還遵渚  
只怕繫弓時空過燭帛處弦弦不忍聽鴻亦太飄零尙留  
千萬響祇賸兩三星迢迢西塞路送客頻年去待燕不歸  
林招鴉都上樹已矣且停琴琴深思亦深願將中澤語留  
得上林吟

方彥聞寓齋銷寒第五會椒山先生空谷流泉琴

琴通治理鬱不平廟堂無復朱絲清至人身已入空谷但  
聽流泉嗚咽聲韓師當日解音律不獨黃鐘製無匹用本  
匣中留得絃七條背有梅花如古漆此琴裂帛心爲寒夫  
人代死悲離鸞泉聲怒流迸出塞如胡笳拍琵琶彈先生  
已矣沉冤苦什襲藏之竟何補夜牕隔世爲招魂挑燈錄  
罷冰山譜

十二琅玕館銷寒第六集分寒柳

絲雨絲風記過江忽看髭柳纔雲艘門前不見藏鴉葉陌  
上還餘繫馬椿旗影當樓曾入畫笛聲出塞只空腔春來  
好佇天涯興依舊飛花到碧牕

香影龍銷寒第七集水仙花

紅牆白石清湘曉秀出名花沙路繞江邨亦有水仙祠獨立亭亭心自表粉本南塘出水誇分來合配謫仙家裙邊且赴留仙約移伴山頭萼綠華

丙子十二月十九日覃溪師屬李蘭卿以東坡笠屐

圖像且移松屏贊真蹟於妙吉祥館集同人賦此溯

自景祐三年

共十四丙子計七十八十一年矣

圖懸笠屐拜東坡丙子今經十四過舊事尙留鴻爪幻遙吟仍比鶴聲多書酬大茂松屏讚詩證山中拄杖歌分得蘇齋清興在墨緣著手共婆娑

同人集梁茝鄰前輩寓齋爲東坡作生日

七百年前此丙子紗縠宅邊夜光紫今年丙子今日春

是日

立爲公生日作主人冰桃雪藕花豬肉我來拜公得公服  
一笠一屐公身輕公詩一一飛鶴聲公居常州乞陽羨恨  
不吾鄉識公面吾鄉當日開蘇樓我昔放舟公艤舟艤舟  
亭上餞行起我時束裝別鄉里弁山山館蘇齋齋昔弁山  
於署中設此會覃溪師亦常祀東坡於寶蘇齋年年今日忙吾儕吾儕聚首如鴻  
爪畫裏亦如公易老推臆忽見雪色驚琉璃樓天半何分明  
拜公別公應恕我以詩奉公公印可

黃際清寓齋銷寒第九集賦得都城蹋燈詞

滿城人月上燈風恰好燈聲節鼓中來與章臺門眉嫵卽  
看走馬一叢叢

六街門巷記條條滾遍三弦各自招今夜金吾真不夜華

燈一路到天橋

風光那許著膏騰世界玻瓈透幾層歸路蹋燈兼蹋月中  
天一月是元燈

燈事遙分燭炬灰春城擁著好樓臺道傍火判終宵點宰

相門前伴寂來

伴寂和同  
向有火判

墨莊前輩銷寒第十一集分得施愚山小像圖卷

宣城古詩藪教乃南施崇獨表溫厚旨以足孝友風當年  
宦江右監使何隆隆仁恩期遠被不特誇名通蒲團展小  
像妙理非禪宗鄉賢有詩癖索句酬郵筒公詩出餘響古  
壁聞清鐘

花朝小雨李蘭卿招集同人於妙吉祥室爲款春之

會

百花生日又都門小雨催花欲斷魂新柳未分萍沼色白  
桃初淡蘚牆痕風光尙遠重三節寒意猶銷一兩尊忽憶  
西涯烟水地與君話舊到黃昏

蓮花源與李西涯舊宅相近昔年時帆先生嘗宴集

同人於此

謝文節公號鍾琴歌

歙吳素江

景潮

蓄謝文節公琴得自燕郊脩三尺

四寸五分額五寸腰狹三寸四分髹漆彫剝形製  
古樸背有分書東山之桐西山之梓合而爲一垂  
千萬古又署號鍾二字款曰疊山

東山桐西山梓製此琴者疊山子疊山先生人中英平心

以琴鳴不平卜卦亭前悟易理山河破碎無完聲背塗髹  
漆字鐫兩署之號鍾出欣賞塚邊共識冬青枝臺上如聞  
竹石響先生一死力已殫此琴安得先生彈黃冠竟逐水  
雲沒玉帶猶留烟墨寒得之燕郊乃宋寶三尺四寸可入  
抱何如信國青原琴一榻松風壯懷老

文信國從溫州入  
閩夜宿青原寺聽

琴感懷之作松風一榻雨瀟瀟萬里封疆不  
叔寥獨坐瑤琴遺世慮君恩猶恐壯懷消

### 信國公琴歌

德祐二年公在溫州五月朔日益王卽位福安改  
元景炎以觀文殿學士召公赴行在二十六日始  
至福安招入青原寺夜宿有聽琴感懷一絕松風  
一榻雨瀟瀟云云追和卷中閩林喬陰原韻

舍生取義成耆仁鼓鼙亦足奮一身胡然琴譜萬世變金  
徽披得空稱珍宋家山河已破碎坐見良楸飛黃塵琴兮  
淪落已千載卻說厓山悼亡海宮女都成南內離遺民賸  
有西臺在琴師合付水雲彈會向天心訴真宰指撥空驚  
大蠲行手揮但覺飛鴻改七尺虛憐膝上橫至今埋沒無  
光彩囊中當日韜秘多世俗何事遭譏訶銀瓶寄書共悽  
惻玉帶名硯同銷磨柱停兩行比立雁背拭百篆如旋螺  
青原寺裏景炎歲觀文學士方搜羅松風一榻遺世慮壯  
懷其柰君恩何張絃已自怪變徵促節安得諧雲和正襟  
危坐置琴嘆中有正氣公其歌

款春詞



豔陽不用蹋前邨盡款東風入板門九十春光真箇熟春  
衣換了與寒溫

信步行來遶野塘棗花寺裏蹋春忙綠章昨夜從天奏再  
乞輕陰護海棠

花戶油牕一霎開隔牆飛過好樓臺重簾不爲留香卷郭  
外西山四面來

花朝過了又清明逐隊遊人正出城慣是東風多若颺兒  
童十日看風箏

臨桂唐氏姑娘節孝詩

姑爲臨桂生員唐煊側室劉氏媳則其子勲培之  
室關氏也

姑八十媳六十姑媳相依命如一方姑十九誓柏舟漆鏝  
照姑命獨留姑視嫡子如己子撫孤成人亦旋死媳二十  
八乃繼姑夫遺三子仍撫孤以母代師折蓼教以媳代子  
事姑孝堂中姑媳氣誼敦天生節孝在一門門高只待崇  
綽楔子孫賢名勵清節

四月六日琴南樹珊蘭風彥聞諸君招同人飲尺五  
莊時芍藥盛開作竟日之樂

南西一綠出城闌流水灣灣故繞邨多謝風前舊楊柳綰  
人鞭影款園門

湘斑退盡一枝枝不見當年手刻詩玉筍自留三尺節替  
他籬落費支持

焚尾杯前盡一觴  
當階紅藥門風光  
三賢祠畔年時景  
金帶圍誰問短長

葉雲潭觀察扈  
謁薊鎮寄京師同人游崇效法源  
寺中看青松紅杏圖卷適抱恙臥病病愈追和卽用

原韻

一春詩社苦拘束  
恨不快挹西山鬟  
偶從勝寺厯圖卷  
青松紅杏田盤閒  
適來陳侯選春話  
院有古木青孱顏  
丁香一樹紀遺蹟  
寸碣未立枝空攀  
院有漁洋手植丁香覃海溪師作詩勒石未刊也  
棠方盛插檐隙花  
茵坐擬神仙班  
井華共汲一勺水  
小叙但覺尊輶慳  
此閒惜少澤  
滉漾倒影卻有空  
江蘭通永使  
者正扈  
謁據鞍僻路尋  
榛菅擁書略似牛  
挂角昨日繞

道來香山侍 盤方看帳蒙密趨 朝那談爐清閒矣囊  
摘句自收拾如照隱霧窺全斑相思三五隔城闕玉珂聽  
罷鳴銅鑲天風吹墮衍波紙故人常望明河灣

### 朱子名印

宋儒語錄六百年離絕文字空言詮篋中捧出紫陽印牙  
章兩字工雕鐫道脈真傳子朱子與陸異同互彼此封書  
判牘豈尋常雲谷雲臺共終始皆朱子印語後人考訂惟漢尊  
詆宋性學爲旁門豈知姓氏在天壤日星河岳隨英魂昨  
從朱子覽圖卷入廟先賢各題款見朱子先賢及後代像掘衣座右  
拜公名庚子陳經互繾綣

### 木瓜詞

白定黃磁紀物華略無枝葉與槎枒門前不許苞直入自  
對寒牕詠木瓜

瓊琚投報向來諳取次芬芳座上探憶得故園風味好疎  
牕小雪夢江南

畢竟酸寒一味嘗生來清供出幽香海棠結果原奇事別

展春陰奏綠章

海棠木瓜  
燕中有之

蘭湯風味亦情班腰腳而今病未閒不信敬亭看不厭客  
心酸絕木瓜山

尙絅堂詩集卷四十九終

尙絅堂詩集卷五十

陽湖 劉嗣綰 醇甫

丁丑集

忝列編脩至丁丑已歷五科矣新庶常於五月閒行  
大拜禮前後輩由此分也卽編是時詩爲丁丑集  
次蘇齋夫子答儷笙相國韻并示諸同館

鳳鳴矢卷阿鴻儀翥遠路堂堂芸閣開惟木與人樹詞源  
啟蒙深多士感知遇天分槐苑陰地切柯亭慕官儀投刺  
早聯轡天街駐風傳葉幄藻日麗花磚步回憶寒月期酬  
答通遲暮其時或假歸爾僕且屢顧蘇齋振古風今集戶  
外屨社同夏課趨館接春吟赴前輩以老稱丁丑記掌故

玉堂嘉話傳師相衣鉢付樂善從如登求賢喜若驚文翔  
五色雲筆動三危露況承教習尊同輩絕攀附願言山木  
交亦有苔岑句教習異泉前輩亦有和章班從玉筍叅書待石渠護韓  
句幸孟聯孔門賴顏鑄興思戢戢魚載頌振振鷺

新庶常於五月下旬大拜志復古也賦此示同館

出城車從各翩翩投刺欣逢夏課前特比近科先五月往

於十月中大拜庶佇誇新榜只經年已卯恩科只一門

師相傳高第蘇齊師相掌院為盡室忠貞啟後賢烈公及

貞節夫人也今其子逢泰賜員外郎派軍機花甲早遇

行走望泰賜進士入館選均一時異數也蘇齋小門

今又七

辛未蘇齋重宴瓊林至丁丑又七年矣

詞林典故數陳編蘇齋小門生法時帆

師曾奏纂詞林典故

新庶常各得一部

浣霞出守閩中與滿舲吉士假歸臨行爲題東越飽

帆圖

好放中流自在行越東指點是前程一帆受得西風飽卻  
比廉州石更輕

星使詞臣共泛槎五雲樓閣認君家天船昨夜纔橫漢共  
識仙人蔡少霞

宣南話舊圖爲祁生題

塔高題雁曲江忙看榜圖開客幾行曾是閒中能出世不  
妨局外更觀場  
樓臺未必水邊真說到秋來又過春欲訪昔年豪第宅前  
街幾箇賣花人



秋日偕祁生曾容子霄憩龍泉寺卽和祁生

舊遊再到已模糊如此莊嚴昔日無寶座驚成千佛笑陰  
廊記得一僧枯故槐尙戀殘蟬響新竹曾看老鶴扶最是  
龍泉餘古井轆轤汲處卽江湖

題梁芷鄰遊西山卷用石上前輩韻

畫面新攜水墨波西山一角鎮岩阿展重陽去詩情足逢  
故人來客興多遼碣直連三院在唐碑無奈九霄何當空  
檀栢樓臺盛幸有文章問薜蘿

紉針課子圖爲李榮萱作

貴州李榮萱其祖母及母俱以少年守節今以優  
貢試京師出此圖索題

祖母廿二母廿七兩代清門旌守節孤燈課子子讀書苦心紉針針不如針痕長針孔短終日書中抱圖卷卽今獻賦明光宮日長一線誰爭工

十月二十四日黃霽青集同人於寓齋爲消寒第一集往年霽青曾寓紀文達宅昔文達有九十九硯齋硯已散失不可考矣霽青拓其銘得八十餘因仍其名曰九十九硯歌

君不見廬山九十有九峯一峯一朶青芙蓉峯峯化石製爲硯乃在尙書紀氏之齋中尙書齋成搨銘紙九十九銘入黃子黃

崑圃

彭

文勤師

鐵

治亭

董

柘林師

各贈貽多者尤推

石菴始黃子持此亦足豪有硯只似綏山桃

綏山一桃亦硯銘

中

惟一硯出親筆字仿蘇體何清高昔年黃子紀齋住岸舟  
齋名往時霽  
青讀書處恰到廬山路忽然峯石集硯銘卻遇消寒鬪  
詩句銷寒九九應此圖君題第一詩成無君詩補入圖中  
好合配香薰百子爐

城武廟堂碑立同文門下作歌

貞觀一碑銀印留石泐珍似琳瑯球元至正歲城武本惟  
相王旦增何求伯勝載事潞河得宣聖廟堂無人搜山  
谷所見咨道法乃是唐拓茲其尤王節度時出陝刻曰僵  
曰鈍唐終收何如城武得神理未卜誰勒堪千秋北平夫  
子愛古篆近日函致東諸侯今移曲阜入歲祀同文門立  
蟠螭虬商彝周鼎映石闕秦松漢柏輝高樓諸生下拜若

冕旒推崇盡說陳太邱遷碑更比鄭驛健刷字有類虞戈  
適僞體何如贗鼎託古文亦似敝鐘投戴憑方今經席占  
伏勝自古書篇誨鯢生欲向 孔陵拜光隨日月宮牆週

題譚行方注小爾雅

小爾雅出孔叢子或言東京人所擬盤盂區釜無不名託  
云孔門迺其指譚生好學居洋山丹黃狼籍山之間只今  
燕遊就學舍亦復校對書爛斑錢公竹汀駁舊更校正近  
有孫公季述注未竟譬如贗鼎原僞端亦有劉熙引偏盡  
熙釋名多引小爾雅語方今字學紛難知別風淮雨多異詞一編好  
古重披覽卽此亦足經師持

杞縣明府甘抑樓同年屬題拜梅圖

昔登孤山梅已仙林逋鶴去蕭寥天又過眞州宋梅古準

提菴中成佛士隱仙鐵佛皆勝遊金陵隱仙菴蕪湖鐵佛寺皆有古梅梅亦

橫絕枝盤虬虬枝元傲眞可怪我向霜風望空拜今君令

杞朝眞時我昔卻拜劉公祠上子自豫江路過杞縣曾謁劉忠節公祠祠碑亦

復埋冰雪門外不見梅橫枝知君朝朝咏梅下剛值銷寒

到燕舍燕山冰雪更高寒忽對瑤樓低首迓梅花一樹一

放翁君歲與我將毋同還君此圖送君去恨少吳郎一題

句吳君其謂爲本朝豫中第一人也

朱蘭坡前輩於十一月十六日爲銷寒第二集泰山

殘碑僅存二十九字乾隆初碧霞元君宮燬於火將

君因培於玉女池得之贍十字則二世詔中語也寓

中共閱得詩

秦鹿已走秦碑顛泰岱頂上碑踰蹊二十九字燬於火尙  
存十字收池邊臣斯去疾奉勅進字有中斷今相連碧霞  
宮中灰燼後玉女豈是真神仙始皇功德已無語只二世  
詔三千年鮑魚一腐石亦爛海若坐笑波迴旋蔣生伯生  
移碑置高處合用海上成橋鞭石旁倘有補天手泰山如  
礪求其全

李北海岳麓寺三絕碑歌

岳麓寺碑唐李邕文并書背黃鶴仙刻石者卽邕  
託名故世謂之三絕碑也嘉慶六七年間有達官  
遣吏拓取不以法碑遂裂沈筠堂太守用灰油續

之不能復舊觀矣陶雲汀家有一本一爲尊甫黃  
江先生讀書岳麓時所手拓在碑未裂以前一本  
爲湘潭陳恪勤公所藏李北溟提學湖南時用五  
十金購之歸粵時以贈雲汀今出示同人得詩此  
十二月二日銷寒第三集也

峒嶠碑斷衡雲開岳麓後出藏崔巍當年未裂字尙好北  
海三絕爭表裏達官印取不以法坐使石碎碑其摧筠堂  
欲使舊觀復有意續以油兼灰始知拓本貴昔日讀書之  
暇摹千回陳湘潭本北溟得贈君亦復稱良材一堂環視  
走光怪瀟湘烟雨從空來勸君什襲好珍守年年禹穴生  
風雷

長生未央瓦硯歌卽題林佶人圖後應陸鄰前輩之屬

甘泉瓦古文未央鹿原製硯投客囊吳江電發手作記長  
生字跡留香姜當年官殿炫裝飾夢中簇簇飛鴛鴦銅仙  
去後秦劫到飄盡春雨頽垣墻琢成鸛眼配鳳珠亦似龍  
尾收文房其時工楷出閩手精華錄乃抄漁洋但看海內  
諸手筆題句厯落羅佳章後來蒼巖佶人補錄出往往篆  
印齊施愚山王漁洋梁君得此善拓本展玩古蹟來軒堂  
裁詩投贈未足寶自貴鄉誼存縹緲

鄧黃山先生入祀名宦詩

江西浮梁鄧夢琴初宦西川厯令陝中洵陽岐山



寶雞升商州後擢守漢中宦蹟卓然入祀名宦其  
令嗣傳安以乙丑進士官福建羅源縣服闋候選

屬賦

豫章之英幼拾青紫爲年祖行舉自甲子

先祖果溪公亦  
係乾隆甲子舉

於壬申南宮作令伊始始令川江勤慎自矢服闋而興最  
於岐豐洵陽寶雞分陝西東海升商州領縣鄰同列上上  
考擢守漢中安百萬家長二千石害馬除邪懸魚視直野  
外祈霖城中教織潔已愛民以立之則六廉察吏三善升  
循盜靖荏苒以憩棠陰冰壺濯骨肺石棲心先垂治譜後  
作家箴乃賦歸田得遂初志鳩杖於鄉親族衆至重宴鹿  
鳴回籍以俟用享大年八十六逝峴首之碑同鄉之祠入

祀名宦旌典從之明禋致享馨香以治敬成是什列爲人師

噴壺

燕臺一住違江湖園圃太早林閒枯井中汲水灌花出千點萬點來噴壺夕陽欲下樹陰上料理枝葉當重蘇建蘭置水恐渡蟻石際更有青菖蒲籬邊置溝塹轆轤到譬若驟雨花能扶玲瓏貯來濟丙穴滴漑灑出成丁沾未須盛水列甕盎有似逐浪浮瓶甌澆心略等印沆瀣灌頂不用齊醍醐三山或引海上島五石欲借江中瓠請將壺口好收束智叟智山愚公愚

劉姬行

昌平城東北十八里有劉娘娘墓明武宗所納晉  
府樂工楊騰妻也居豹房寵冠一時然終帝世無  
位號其死當在世宗時乾隆戊辰盜掘姬墓多獲  
金寶縣官捕而獲之余作此詩示昌平牧煦堂姪  
康陵石馬嘶西風秋墳鬼唱荒烟中劉姬碑斷三百載復  
道昔人承恩宮武皇外傳昔人補當日翠華幸宣府小部  
方傳樂伎名邨醪半醉娛歌舞武宗詩邨酒醉人多法曲仙音侍豹  
房巫雲朝暮入高唐龍牕鳳牕隨波逝殿腳三千笑蜀岡  
班姬團扇搖纖手銅雀分香誓長久玉顏幾輩羨寒雅歌  
舞宮中寵誰耦後來松隧穴偷兒寶匣旋空夜莫知玉盃  
金蠟灰滅盡空聞子夜鬼歌悲金燈奕奕殞官道茂陵那

奉夫人號空說前朝憶餅師明珠十斛人傳報

兵部車駕司楊金二公合祠

麟見亭爲兵部車駕司員外署有祠一間向祀楊

忠愍公列傳所載童孺皆知矣至金忠潔公熒明

崇禎時亦爲車駕司員外郎甲申三月視皇城聞

京師陷慟哭入朝知帝已崩解牙牌北向四拜投

金水河死本朝賜諡忠潔見亭請於上官一并

入祠亦義舉也作此詩記之

椒山死後百廿年後有車駕祠相連甲申三月聞城陷慟  
哭入朝惟一劒宮人競出帝已崩解牌四拜河邊昏從者  
挽之怒還觸脅躍入死亦足母氏章妻氏王弟琮同日

一死償名公忠潔謚以起不獨文章死知己吹來何止香  
滿城忠愍忠潔祠如生

尚絅堂詩集卷五十終

尚絅堂詩集卷五十一

陽湖 劉嗣綰 醇甫

且住齋集

戊寅己卯

浮沉人海歸思浩然且住爲佳亦客嘲賓戲之遺也

慈烏引

雛烏在樹鳴啞啞老烏頂禿風毛斜出巢引吭望田畝往  
往銜粒思歸家以食哺烏口相接返哺知烏不違食溪邊  
引近尚勞勞一啄酬恩待棲息兒童莫打慈烏飛夜來子  
母常相依

四月十五日宿澄懷園顧晴芬寓所二十年前舊遊  
地也因賦三絕句

重重楊柳好樓臺爲近天光取次開近光一帶闌干畝不穩曾經小坐一千回

曾是湘人倚水天開紅無舸也流連當時跳雨荷珠落負

了西風廿四年

昔時荷花極盛相接數畝今漸零落矣

園中會客太曹騰數到汪程最上層記得夜來酣飲處誰

家簾外上春燈

曩時阿哥師傅共處者有十餘人汪雲壑程蘭翹兩先生每日吟詩賭酒極一時

盛之

强樸齋同年令嗣綺園見過適觀李皐言死事後

上賜憫忠詩三十韻碑刻因賦戊辰兩同年詩二章

强樸齋克捷

滑城突據縣官亡忠烈從天爲表彰千古風聲驚上國

一家貞節慰高堂

長媳徐氏死事極慘封貞節夫人

樞廷已贊絲綸重

苑還看品藻揚何幸

韓城邀祭典老臣從此報馨香

癸酉九月

林清起事李文成據滑滑城陷縣令強克捷死之入秦後

賜諡忠烈卹典知府子逢泰望泰適歸得免服闋進

京逢泰以騎都尉

賜兵部員外郎入軍機行走望泰先

入專祠以籍隸韓城並於王文

賜進士八庶常忠烈公命

端公墓前賜祭一壇均異數也

李皋言

毓昌

無端災到剝膚深舊案山陽說至今虎出長林爭惕息

此案

起事者號王老虎

鴻飛中澤是哀音宦途未展生前術

宸翰應

傾地下心多少

恩綸一門在竚看後嗣列朝簪

已巳淮

撫軍遣李毓昌佐山陽縣賑務王仲漢欲虛報災戶毓昌

堅不從因咬毓昌家人毒之死事聞王仲漢與家人等皆

正法毓昌贈知府銜賜祭並令地方官給帑置田養其妻帑子賞舉人



五月十八日爲睢陽公生日作

睢陽廟裏蠟炬紅共作初度神祠中當時五月十八事想  
見天星謫人世漁陽鼓起圍一城城中死守無天兵常山  
舌斷如公齒齒冷城降亦虜爾縛蒿夜作人樣看獲十萬  
箭一日完荒荒亂雀飛不已神鴉歸來公死矣公死如生  
真不羣男兒亦有南將軍

涼棚

隔牆樹如蓋只此炎曦中結棚蔽夏宇編篠撐晴空纖薄  
表烟素支高遮塵紅旁宜置鶴闌小異張鵝籠招涼共宴  
坐颯颯來天風忽聞微雨至似落江湖蓬研屏引佳客冰  
椀持奚童灑然已八夜絡緯鳴秋叢

酒荔支

簇簇楓亭驛使摧荔支譜就賽楊梅紅塵一騎風中笑眞見楊妃病齒來

仙荔枝頭住一鄉當時曾說朱家香酒中別有風情在白瘦紅肥十八娘

效元人齋中雜詩

斷簡縱橫處篇篇是蠹餘讎難飛白字校誤殺青書斫竹疑中秘燒芸喚小胥葫蘆留古本勘對定何如

蠹簡

持出太阿匣鵬夷如有芒迴文萍秋水照字辨春坊繡處

龍文暗磨時虎氣揚當年逢俠士曾說是魚腸

舊劍

江上傭書久渾無一角田零星餘水浪破碎積雲烟欲抵

空青石還留斷墨天蕭然焚硯意穿榻幾何年

破硯

畫意成遙望殘山賸水兼江南餘短幅硯北此零縑塵裏

猶藏匣風中幾墮籤化來如片羽雲外了無嫌

殘畫

燈火論長短孤檠伴夜涼張來偕冷翠廢處惜昏黃貴日

開筵久兒時憶讀忙何年成屏棄冷絕是西堂

廢檠

古道殘碑在捫時積蘚痕亦知文謨墓定與石支門弔影

行人斷題名故鬼尊摩挲指倦眼易見夕陽昏

斷碑

### 驟雨

水雲如魚鱗滉漾從天池旱雲如馬羊山外來奔馳水旱  
一朝集所得皆生滋騰騰震雷伯習習飄風師驟至各有  
權大化原無私去年旱太多但見揚塵時嗟雨亦何心今

舊安可知人事不足數仰視雲奚爲

題郭廉甫東岳袖雲圖

昔年積雪阻岱遊日觀不復開峯頭馬前雲擁乍出沒呼  
吸一氣連齊州其時同行踟空縐洪崖共挹浮邱袖九天  
想見碧霞宮漢柏秦松結孤秀云云亭亭雲一亭到頂盡  
白無空青峩眉天矯出人世未卜何宅棲神靈郭生登山  
竹兜迓袖底拏雲成變化攜歸一片置金焦壓倒金箱作  
圖畫他日雲程垂半天南天門裏有神仙亦如瀑布空中  
掛湧出之梁一道泉

秋日黃霽青編脩偕潘農部移寓西磚衙宅奉訪

占此以贈

秋至剛驚白露灑

時初八日白露節

青驪載具鶴移裝行來共說

潘郎璧徙後休嗤陸氏莊當院閉門先種竹兩家掃徑合分楊鯉魚風起無邊信早晚鄉書自魏塘

辟疆園故址在無錫西水關爲明孝廉顧脩遠宸建其址已廢後裔竹碕補圖兼塘屬余係以詩

顧阿瑛後名流稀玉山一歇圖誰攜有明孝廉溯脩遠辟疆園主情依依西關一水置邱壑植樹亦似西山薇但攜名士作吟咏會見出句同珠璣藏書海內共誰匹絳雲樓已灰塵飛詞壇自昔出領袖文苑第一欽南畿

江南通志爲文苑第一

一先生地主獨風雅池水一角尋漁磯流傳詞曲逮天石

南桃花扇餘芳菲

天石爲脩遠嗣曾撰南桃花扇行世

竹碕袖卷乍出手筆

墨所到圖開扉荒坡科斗廢樹鳥茸茸草色春光非我題  
此詩入圖畫不事點綴聊獻歛

郭廉甫工畫竹作此贈之

余家近陽羨未見竹一竿入楚尋湘妃叢竹沿江干後遊  
西湖理安逕參天濃綠經旬看有時入寺萬松麓自掘綠  
筍供朝餐今來燕山竹苦少無竹令俗空盤桓郭生學此  
頗瀟灑寫成个个來青鸞菖蒲拜竹竹宜笑作賦往往多  
檀欒清遊竟日對書几書齋一幅森琅玕不如歸去作閒  
隱門前但許酬平安

重陽前二日霽青移至西磚衙寓相去較近約同  
人爲城南訪菊之遊卽用原韻

信利堂集卷三  
移榻不半里，裊裊真自如。恰逢新節到，偏覺故人疎。曉霧  
開山迳，秋烟罨野廬。花間看瘦影，拂袖卷還舒。

初十日霽青招同人飲偕至城南僧舍訪菊

春明何處停秋光，西南門外尋花香。三官寺裏足漚漑，叢  
叢冷豔盈斜陽。此中看菊有真意，東籬卽在南山旁。花開  
未開得禪悅，屐所到處喧僧房。是時泥金正報捷，滿城名  
字方飛揚。世間榮辱被花笑，花亦耐久含芬芳。吾儕遭際  
各遲早，不管門外車塵忙。歸程那用折花去，著鞭卻指花  
迴翔。

十二日晚法源寺看菊倒用前韻

鳥聲引客爭飛翔，閒人卻爲看花忙。法源寺古入蒼迳，菊

亦漸止隨羣芳闌干小坐近焚竹尚有凍蝶從風揚簷邊  
能採志高潔人影瘦絕如花房輓轡汲井許澆灌茶聲自  
沸東籬旁枯僧近出絕梵唄送客想見過重陽樹高漸復  
駐野色花遠亦足酬寒香一鞭歸去且復暮遠市約略添  
燈光

十三日散步西磚衢訪霽青不值再和原韻

西磚里近餘烟光散步聊復尋黃香維時寒雲色輕重晴  
雨所到關陰陽主人不見校書去天祿卽在青藜旁知君  
驢書冷巷券傲我鶴守空山房常留鶴守山房係君句也元亭客自  
愛奇字不用投閣常嗤揚虛齋畫許飲古墨僻逕樹獨餐  
餘芳攜君詩句一再和未肯疎懶偏匆忙莫如蝸牛牆角



鬪但學雌雉山梁翔

題朱蘭坡年老前輩雪夜綳兒圖

書聲未出厭啼聲雪夜綳兒苦節貞十歲姊憐懷抱在聞  
砧愴斷女嬃情

堂開畫錦正芳菲難得官袍乞假歸今日老來猶及養琴  
魚溪上看斑衣

題朱蘭坡前輩霜帷課讀圖

女貞樹凌冬時植檐前高無枝燕將雛飛參差烏返哺營  
其私月皎皎霜離離書帷披母則慈螟蛉來遂抱兒旋課  
讀書與詩母無夫爲兒師忠孝字母教之屏風底燈護持  
歐畫荻孟斷機七十年兒名垂登瀛洲常思維白雲舍日

在斯爲展圖祝母釐

題彭石夫留雲閣圖

片雲出岫飛高高不如閣上雲週遭一雲行雨過江去不  
如留雲閣中住雲深雲淺留幾多雲濃雲淡將如何觀雲  
一屋影自在直以此閣爲雲窩世間幻態真千萬白衣蒼  
狗看俱慣山雲草莽水雲鱗各繪奇形自蕭散知君無閣  
亦無雲但作雲觀我伴君他年泰岱峯頭舉海上雲鋪到  
十分

過法華寺有訪

花宮寂靜馥蕭寒曲徑重重作畫看訪客正當尋院落經  
秋難得倚闌干略無日到園蘭箭微有風來動竹竿鐘鼓

堂空須少憩禪門蔬筍足清歡

題管椒軒水閣讀書圖

雲溪春水三篙生家家閣上春雲橫君家有閣獨當面終  
日坐此聞書聲書聲落處鳬鷗浴對岸遊人競相逐無端  
送目過征帆風動牙籤吹一角出門北渡行長安攜家仙  
舫書頻看回思舊日讀書處更無人倚紅闌干趙家蔣家  
閣空掩少小春衫虛過眼閣前稚柳已成絲但覺橋邊水  
清淺渡口舟人白髮多船頭船尾舊聞歌陳郎綠晴畫裏  
追尋徧咫尺東門欲往過

墨莊前輩招同人於寓齋作銷寒第二集詠琴魚

涇川昔隱琴高仙煉丹瞬過三千年自騎赤鯉忽飛去藥

泚道此魚踰躡龍頭鳳目鱗翠色長不累黍遊臺前每從  
上已臺下出繞臺會取薰蘭烟想當羣魚出聽日一隊簇  
簇聞空弦延齡卻病固其所不獨地以仙蹤傳墨莊先生  
愛鄉物或茶或酒俱相便亦知甘美用宜醉醉到便似琴  
溪眠

蘭坡前輩寓齋同人銷寒第三集觀楊文定公宣德  
二年書功德寶經一卷

文定當國平心多壽七十五先風波錦衣繫獄已十載讀  
經誦課無偏頗其前成祖握大柄金川靖難忠臣過齊黃  
方景族者衆禍連瓜蔓夫如何仁宣繼體漸厚道起用掌  
閣能調和東宮舊事感后泣相顧涕泗增滂沱宣德二年

懃功德寶經兼誦阿彌陀書成一卷文字卓執筆恍見羲  
之鵝新題分詩各展玩寒夜對此爭吁呵金題玉躐更裝  
好故篋莫遣旋銷磨

人日獨坐

人日東風到卻遲新年未是立春時  
餽簫何早無鄰和節鼓將圓有月知  
花市正看挑菜近草堂應覺訪梅宜  
天涯方見深深雪吟徧歸心雁後詩

題寒雲遠雁圖

九峯石碎雲千點三泖風迴雁幾行  
惆悵葺城帆正遠高樓不見路茫茫

舊遊幾度至丁沽

先祖爲華亭廣文時曾客此

獨向寒牕展畫圖飛到

荻花如雪樣故人猶是徧江蘆

施君雪帆去秋自皖江歸里寄我一枝軒集八卷其  
廣西以前詩最佳今失去矣維時適周味蘭南回託  
帶致雪帆信且以慰病并有後日共尋釣遊之約近  
聞十一月中雪帆竟以噎症逝矣作七言一章寄歸  
靈前焚之

客秋去皖寄我詩軒名無著號一枝時逢鄉便札慰病寄  
聲我肯還家遲讀君詩集忽掩卷君病以噎終於斯當年  
酒狂酒膽破卻憶四十年前時時方離陝住鄉里詩筆橫  
絕關中馳入咸陽城殺氣黑奇句失卻誰支持少年客關中  
正蘇四  
十三逆事君詩有殺氣黑入咸陽城之句同人賞之今失未刊後來入粵格漸變縱橫卻

被孫公知

謂繫齋中丞

斷藤峽句

最颯爽六軍駐馬來班師

第一

卷有斷藤峽詩言安南時事

嗣居皖城二十載翩翩書記

六軍駐馬無人色卽其句推文詞我歸甲戌君亦返釣遊所及追童兒招觀花藏不

及赴高尚書蹟兼其祠

乙亥

秋招遊花藏兼訪高

忽聞君

訃更憶昔余黃已過今從之

余少雲黃仲則與君多唱和之作

君兒及歸

尙視殮

合嗣歸得視含殮

卽此便見天之慈哭君不得向墟畔製

句且表長相思

### 偕廉甫晚過陶然亭歸途得詩二章

蘆花飛不斷一路上江亭塢近高城白峯連曠野青草荒

蟲語歇樹冷鳥聲停卻憶前游處年時幾醉醒

虛閣憑空倚於中少一塘蘚碑留賸碣苔石接頽牆小字

曾題句殘文記斷章著鞭歸去晚雁影逐斜陽

送成果亭中丞同年之晉中

去年瑞雪似堯年直送輪轅到甫田民俗未妨留樂戶

民

中有樂戶役車原是重詩筵桐封已聽騰謠語君去年以蒲坂

真看補史編汾水西風凝望處飛來一雁盼書旋



尚絅堂詩集卷五十一終

尚絅堂詩集卷五十二

陽湖 劉嗣綰 醇甫

補蘿集

已卯庚辰

同社移居寥寥獨處秋風四起補屋牽蘿因名是時  
詩爲補蘿集

補牆

秋風起處倚危廊碎瓦零磚補不妨偶映古苔來曲戶漸  
搖新竹出鄰牆穿花病蝶伶俜瘦繞樹棲鴉陸續忙壁已  
支離須點綴細牽蘿薜當衣裳

題華亭張謹甫孝廉止止山房稿

三曹一俊遡清風四十年前似夢中

余曾隨先祖之華亭學舍

今把君

詩重訪舊虛牕依舊一燈紅

卷中師友半黃壚

詩中如王條山年丈及荆桐軒皆余故人也

鄰笛蕭然感慨

孤唱到芋眠河畔句淒風冷雨過姑蘇

卷中有姑蘇懷古句

題湯雨生爲陳雨香寫尋約圖照

令弟玉舟亦繪在圖中

梁鴻溪畔愛吟詩我亦同懷有所思

近得藉憶著故園重山弟書

話舊東風綠遍謝家池

雨生詩畫雨香蹤夙約重尋此卷工擬向圖中分半榻朝

來啜茗坐春風

已卯夏送陶雲汀前輩之川東觀察任

川東觀察重慶居陶君東裝入蜀餘三朝黃牛八月馬峽口安得帆行徐君方

陸辭進讜論首逆數輩當行誅焉

皇除暴善良出天亦豐歲通溝渠八蠶之綿再熟稻川中  
一路皆膏腴奏章來京民欠少 聖語所獎齊都俞制軍  
方今事經濟文武不用爭區區夷民安靖兵已撤吏治足  
使完其軀礪堂制軍近有書來云川中文武相和夷民不競馬頭叱馭過蜀坂剛  
好入棧方崎嶇送君之行飲君酒青天鳥道何縈紆

德勝門外陂池一帶荷花甚開口占二絕

車聲直接聞紅來郭外荷花向背開忽憶湖鄉清曉看小  
舟撐入綠雲堆

清流卻好浣緇衣淨綠叢中睡正微鰕菜亭前風景在當  
年添箇鷺鷥飛蓮花池上鰕菜亭爲當年席地生飲處

飯僧

鐘撞諸僧來列食共方丈維摩安我禪彌勒現彼相厨中  
爨火出釜底炊烟上羅羅伊蒲供歷歷香積尚粟容成佛  
形菜色異民狀堂空玉版師案設優曇像俱作平等觀絕  
無彼此邨飯畢歸蒲團梵聲一心向

秋日赴陶然亭一路蘆花搖曳口占數絕

邨中何處問漁莊欲上江亭爾許忙行近蘆花看仔細莫  
教添作鬢邊霜

風吹如絮最模糊遠岸亭亭認得無卻憶曩時遊覽興一  
庵秋雪落西湖

幾許田家斷釣綸沿城一帶爨烟貧等閒飛入江湖夢只  
道蘆中自有人

風雅

荒灘相遠近亂樹自東西背水成羣過先風作陣棲秋雲  
隨岸迴落日到門低茅屋孤邨穩怨怨莫更啼

塗泥歎

邨園一帶何其荒但有叢樹遙相望門前欲往尙沒踝泥  
塗一歎摧肝腸懸車高挂已十日那肯堅坐穿蓆牀街中  
竟欲喚獨漉道左無復行迷陽南歸客衆不得馭卽有健  
僕今殊僵將身跳躑等跛鼈投足偈仄同疲羊屋瓦草長  
勝平地澗凹苔碧如池塘蜀道云難壠坂折所望天表開  
陽光

七月五日同人於萬柳堂作鄭康成生日

七月五日拜鄭鄉先生降生壽未央堂前萬柳似書帶草  
色亦復隨短長漢時經學出經袖教授山下翻青箱五經  
疏出闢俗學亦極周禮窮康莊膏肓貴鍼墨守發更有妙  
論追公羊先生在上衆稽首弟子千古同一堂載觀班傳  
仿公例如四皓中成夏黃

霽青出京時以時帆先生所選及見錄十六本寄郭  
頻迦附詩三絕

集端卷首例科名還與方羅訴不平六十年來詩筆好沙  
中揀得是金聲

袁簡趙慨集中留雅意蔣清錢石稿裏去偏心人閒屏卻  
箏琵琶自出成連海上琴

故人幾輩漸迢迢展卷真如賦大招繭紙烏絲商略近  
君篋衍爲魂銷

秋海棠

漠漠蘿陰脈脈苔牆西一角小裊裊海棠亦有秋風味卻  
使旁邊自在開

夜長

薄被初攤自主張枕函轉側上匡牀向來未解相思味老  
去方知有夜長

夜坐

秋齋獨坐思沉沉漸起西風入夜深牆外蛙聲皆怒意籬  
邊蛩竅自清吟夢寒不啻三凌鑑愁碎渾如百衲琴想見



酒旗搖落處一燈黯黯閃霜林

暮色

蒼蒼暮色暗秋塍天末風過雁一繩竹外愛看新上月槐  
開微覺晚來燈荒田路有斜行客廢寺堂無打坐僧回寓  
不妨成淺醉昏苔四壁伴膏肓

桂母梅太夫人建坊旌節詩爲孝廉桂超萬作

桂君里梅母坊維桂與梅名節香孝廉榜出年念五朝右  
請旌可終古高高綽楔頒恩綸孝廉名已登楓宸

晉府長史江南儒

德僊先生明初爲晉府長史史楚府長史

格心圖

君八世祖浦凡先生明神宗時楚書香未墜遠祖

父膺炙人口傳京都一家忠孝自明代鄉里思慕爲君模

看君上達學優仕坊下卽見榮名俱

車過德勝門外水中見殘荷口占

繞郭驅車見曲塘西風一帶冷衣裳無人識得冰心在荷葉離披向夕陽

十月十九日荏鄰前輩招同人銷寒第一集得醫巫

### 問山石歌

虞帝封山十有二曰醫巫閭北鎮置我朝沿革設廣寧

城內山連稱萬字

山在廣寧城門十里城內有萬紫山或曰萬字山

翠華幸此

隨侍官鬱蔥磅礴色正寒仙人巖上呂公像

山有仙人巖其石鐫呂公

像孤石飛下來無端主人攜歸置齋几如山峭拔高十里

峯西亦有翠雲屏石可補天良有以

山有翠雲屏又一石有補天穿三字

先

生家住壺山邊蓬萊左股近可眠不如此石相娛戲卧後  
蒼茫到海天

送李晴嵐同年阜薦引 見後出京回江陵任

漢江輿頌出紛紛吏治真能廣見聞舊莅郢都聽白雪新  
來燕市陽青雲考成上上原非易才最多多自不羣王氏  
裝書徐架筆

謂南漳建始王徐兩同年許教學術與平分

謝文節公橋亭卜卦硯歌

不下信州卜建陽一家天水關興亡疊山手蓄有古硯蒼  
然冷面如首陽橋亭賈卜通易理此硯兼參消息肯憫忠  
寺裏徵君來絕食終朝只欠死近時愛者周月東絕寶此  
硯酬齊公

湖南中丞恂叔先生守太平守硯贈之旋失去

太平守空愛惜

失去不許重磨礪篆仙贖得筵前訥叔介嗣篆仙廷尉贖之友人處古  
人若有真靈化爲製銘詞手澤存硯銘爲訥叔先生手製當年枉測  
明夷卦銅鼓堂中朱硯評宋時到此數虧盈海天劫裏尋  
同伴何處相逢玉帶生

嘉平二十五日董琴南服闕到京卽簡

是日碑圭招集

雪中曾著灞橋鞭吳語聲聲乍到燕裝東卻當辭故里杯  
盤都已入新年怕將凋落談前輩賴有聰明說後賢今日  
詩壇漸銷歇好攜筆墨化雲烟

袁朗生以常熟廣文卓薦進京同有鉢硯係米色甚  
適於用磨之不得乾余爲賦鉢硯歌

寒土托鉢趨朱門袁君燕硯留冰痕得之龍巖匠巧琢半

生揮灑力所存硯兮磨人潤偏獨筆勢縱橫不知涸生來  
米色得其精卻有曹倉似天祿君今卓薦朝明光恨不此  
硯攜身旁家中漆蓋等閒置黃磁白定俱同藏頃居禪房  
鉢宜用持見諸天炷香衆洗鉢朝來且洗心歸尋此硯成  
清供

夜觀譚康侯農部聽雲樓詩卽題後

超絕橫天海聽雲別築樓詩原反騷出名自寶蘇留向在

師處聞君名寶衆望高三子謂嶺南仙才隘九州把君清

句讀牕竹亦低頭

讀張南山聽松廬詩題後

我昔蘇齋讀君篇君才出粵馳雲烟邇來康侯敬及香石

帝縱讓此筆稱神仙國初奇人首推鄺雲卿書記方翩翩  
洗硯不終抱琴死已殉萬古餘神絃蔣公會公謂礪堂賓谷兩先生  
雙眼出賞識妙句窮天邊手君詩卷讀終夜恨不廬次聽  
松眠

張南山春夜過訪以詩見贈卽用原韻奉答

終日車輪隨所詣夜忽逢君握君袂喧闐冠蓋趨朱門君  
獨離羣入禪寺君來款語情何深如燭照面鏡照心月中  
鳥鵲飛繞樹只有倦翮思歸林五侯鯖多衆入席珠履堂  
前笑食客一編且讀黃君詩想起黃墟舊時跡同鄉黃仲則年三十  
五辭世時適有雨當軒詩君袖去懷人感往成悲來攜手且放胸懷開蟲  
吟鳥歎等閒耳縱有好語非仙才蠅聲如市蚊如雷車馬

過眼猶塵埃十年埋首黃金臺堪笑此骨稱蓬萊孤寒八百無人起落莫天涯尙如此弁山已渺倉山荒謂秋帆隨國兩先生惆悵前賢竟先死歸心耿耿欲廢眠須作行腳依高禪尋君後夜款門去莫使還鄉夢中遇

滿裙曲

三月三日彭春農及鍾仰山招同人泛舟通惠河脩褻席閒及同人作此

江南綠遍滿裙水八幅瀟湘抵千里橫波一寸落湖中蹴損空烟白鷗尾隄邊楊柳垂絲絲縐盡春波人不知江頭卻倚闌干立想見鴛鴦戲水時

三月十二日偕石士赴南西門外看漁洋山人手植

丁香及觀蘇齋老人所書記

西來閣下漁洋遊當時竹垞曾共留丁香一株出手植有

似藤本身爲周藝年蘇齋入花徑此幹屈曲通清幽栽成

碑式作記製今再來者維陳侯蘇齋記內云與陳石士同遊追思一百

卅年事見忠烈字懸梁頭無塵別境此間在今亦化去看

無由漁洋山人遊此在康熙三十四年尙見楊忠烈公無塵別境四字祇餘丁香寫古意

枝垂絡索無人收煩僧煮茗話舊事且刻碑碣他時酬

歸雁吟黃小舟寓齋款春小集先送小舟秋間歸粵

回雁峯頂高飛回一雁到海風烟開兩三行字人逐隊雁

雁曾見新秋來當時蓬萊是來路卻到高秋亦歸去雲外

方隨漢帛過風前更伴秦箏住海上同巡比雁奴雙飛雙



宿又銜蘆雖然嫁得燕山婿卻向臺前傍鷓鴣雁臣歸後  
來時熟那有虛弓驚影落海邊雁戶肯流離指日還看上  
林託

仙人掌

金莖及秋高仙人墮塵想出土時一叢春來發仙掌亦知  
孤根抽定復幾節長森森有餘綠好時盆中養豈關霜露  
滋剛趁風日朗一一仙班中何不屈指賞分明池近謝次  
第逕開蔣俯此倚闌干疑凌河漢往

題黃樹齋廬山紀遊圖

我昔船落宮亭湖廬山面目船頭鋪三朝二暮繞船走匡  
君在眼如招呼匡君見處不得上九疊屏風起嵐嶂當時

只有五老峯千尺鬚髯坐相向可憐遊興未一登此興讓  
爾清狂曾如今畫裏卻看畫瀑無重數雲千層

偶憩慈仁寺松下

古松童童張似傘徑丈濃陰不外散四圍赤日此中涼自  
結跏趺坐來慣松枝笑指何縱橫下有風到濤無聲當時  
胎仙此孤寄且啜茶露尋前生蒼苔陰陰不可埽松下停  
來除熱惱清鐘靜聽自裊裊夢到家鄉故山好

韓惺園自甘肅來京投之以詩

七十年餘事閒蹤子細談士還來薊北夢已落江南

往年  
在錢

竹初丈齋中  
連牀夜話舊話拈珠記新吟握麈參小樓曾睡否星斗

夜來探

吳香竹以香山令引 見入都屈指別來又七年矣

追憶舊遊憮然成詠

幾輩黃墟各散場惟餘冷宦住家鄉

舊時同社如蔭山梁園輩俱逝惟少仙尚

作海寧學正

晨星有數空寥落逝水無窮更渺茫客路好尋霜

葉色禪門且挹雨花香

將移寓關廟

送君此去車塵健茆店雞

聲夢短長

南雅前輩屬題奚鐵生石屋烹茶圖用覃溪師韻

一角湖天澹蕩明湖邊石屋玉泉傾烹茶更寫風濤意汲

澗曾聽水樂聲

向在金華曾遊水樂洞

萬頃新波思獨往幾多舊雨

記同盟

圖中如鐵生皆舊遊

而今畫裏尋奚九曾是牕前淡墨橫

湖上曾倚鐵生作畫

吳水部有湖石一盆玲瓏縐透名之曰小山屬予賦

### 小山歌

湖石一卷名小山山房俯野青爛斑恰移遠景到硯几高  
枕謾謾松風環君家山房面城郭小樣玲瓏曰天作座中  
楹帖彭與譚謂彭雲楣譚古愚雨先生楹帖適借遙青聯近綠與君對坐  
當夏來銷暑欲倩茶瓜陪只今風物變寒色石畔彷彿移  
莓苔小山叢叢石瑱碎恰見湖峯置盆內忽飛清夢到鄉  
園金粟林中賸寒翠家園中多桂樹有亭曰小山故及之

### 雙節行

四川巴縣孝廉王駒王駒少失怙母李氏嫺禮教  
習詩書孝以奉姑義以訓子年三十一卽逝時駒

駒方幼賴叔母鞠育之叔母卽母同胞妹也年二十守節一子騏弱齡病殂撫姪如已出教養兼至家族爲匪人搆毀駒駒幾罹其害全得叔母呵護力後俱成孝廉來京師從余遊爲述兩節母事行將請旌余先爲是詩

巴縣李氏孝事姑教兒義方詩與書夫危不殉茹冰蘖三十疾亡身太迫賴有叔母撫兩兒兩兒漸長家不支時遭家難母逝矣禍成寢大兩兒起兩兒孝廉名卽成不見兒母傷今生請旌於廷須合例若待名成真母意李氏世武邑則巫二十守節因撫孤孤生十二體方弱戊辰春日一病殂駒駒幼也遵母命婚教養之力以盡延師典質爲讀

書念母遺言成志竟駒駒已仲鄉舉連禮闈屢黜幸嬖延  
一家兄弟幼及妹俾嬖倚間年復年歸攜嬖奉快誠足母  
有遺言思亦哭一門苦節事堪貞佇待 朝旌綽楔續  
周穉圭同年自粉坊琉璃街移寓珠巢街步行特訪  
適定廬送詩至亦詩以紀之

行李新移卷帙豐街西十日溯街東走來近巷冰痕蹙不  
記從容幾百弓

大樹題名故里逢家園喬木一叢蔽此閒不到藤枯死卻

憶花時紫滿空家大樹園銀杏八九株紫藤盤繞其上花時照耀里外近年已枯死

爐火重煨煮茗將各人舊事話尋常兒時記得燈前課歸

去還須問北堂時即假歸

尚絅堂詩集卷五十二終